



周益文忠公集六十

平園續稿卷第二十

宋廬陵周益公必大著

記三碑附

吉州錄參廳題名記

諸州錄事參軍於令為從八品掌郡獄及軍資市令
之政實曹掾之首富汝陳希黯次名父之子繼登儒
科未官廬陵諸職有崇庫題名不可無記乃起高
宗中與距今七十有八年得姓名二十七人來予一
言將刻之石夫才有能否其時之事聲實顯晦後乃
見之希黯用志亦遠矣予聞曹參在齊治道清靜比

其去猶以母擾獄市屬後人督郵有司也清靜何居
予請著其說假令罪在甲乙杖蔓丙丁擾也科抑賣
區強之二價亦擾也雖母縱故犯母妄取舍使吏社
姦貪人安其業始可與言齊相之意矣嘉泰三年肆
月望

敬思亭記

嘉泰三年癸巳酉登仕郎太和蕭知節母夫人詹
氏以疾終享年六十六卜十月丙午葬本縣高行鄉
龍角之原知節泣而請曰先人諱導不幸早世吾母
素知書既殫力教知節以孝躬立門戶輕財重義
撫育宗族凡知節得出入公卿之門皆母教也今罔
極之恩不可報矣築亭冢舍取祭義生則敬養死則
敬享思終身弗辱之訓榜曰敬思願賜語以寵綏之
予聞夫子論要道至德一本於敬是以孝子之祭其
立其進其薦其徹悉以敬為主反是則為固為踧為
不愛為教為忘本可謂詳矣及子張乃一言以蔽之
曰祭思敬蓋平居得於夫子者如此予尚何云九月
辛巳

筠州樂善書院記

舜命夔典樂首教胄子周大司樂洎李政專合國之

子弟是時公卿大夫多出宗姓崇德象賢率於此乎
取之 本朝至道元年以近屬繁衍初置宗官於是
教授之名立迨咸平迄祥符南宮北宅復置侍教十
歲已上並令肄業治平初增小宗教授十有二員此
命名分職大路也舊制七歲入小宗能誦孝經論語
升大宗又能誦兩經善書札宗正以開熙寧元祐並
勅諸院立小宗八歲至年拾肆者歲檢率焉自時厥
復其制益詳此進德修業次序也南渡以來抗越首
置諸王宮大小宗教授西外南外並立宗宗人知為
善之樂以蕩陵德者鮮也今高安郡守王淹文正公
旦六世諸孫也追惟文正被遇 章聖徧歷要近與
聞育才之本未思原 德意不墜先烈乃與貳車玉
牒希宰議即郡庠之側創樂善書院外設重門東西
兩廡廡各三齋中為講堂三間列直舍于後廡庖器
用備焉庖工嘉泰三年之季夏訖工於孟冬先下尊
屬司選宗子幼而未命者以二十人為額既望帥郡
僚延處六齋齋各有名擇老成之士訓以經史教官
總其課程別立一齋待不帥教者市田千畝用足歲
計屬某記之嘗聞關雎基王者之化其應見於麟趾
雖繫周公實美文王其在大雅曰肆成人有德小子

有造古之人無數譽髦斯士是又盛言文王遐不作
人一視親疎可以傳無窮施罔極也共惟 祖宗作
成宗英越二百年 聖皇在御推廣家法公族振振
髦士蛾峨將同符於文王筠州復能助宣聖化無愧
民之師帥是皆宜書故樂為之記明年正月既望

杜氏潛光堂記

大蓄之彖曰剛健篤實輝光日新其德洛誥曰惟公
德明光于上下蓋德有小大光亦隨之其積在身其
發在人士固有幽潛如韓退之所云者故四明理掾
杜君諱襄字伯稱是也居鉞之上慮以篤行著君苦
心嗜李銳意事功紹興未北征條要務謁府師湯政
公後帥史魏公二公大竒之交薦子朝再命以官堂
尉崇安力變不孝子之俗治獄至無一夫之寃遇火
利害密裨其長罷行之陰德不可計妻張氏處為孝
女嫁為孝婦相與方教諸子思恭既擢弟餘皆蹈義
向方見推鄉評厥後合葬者祀於縣之葛仙鄉室謨
閣待制陸務觀各為之銘思恭復即瑩築堂務觀以
潛光名之求記於予往者在正獻公越人也歐陽子
誌其墓曰春秋諸侯歷秦漢千有餘歲不絕世譜而
唐盛時公卿家法杜氏獨存今務觀謂君本同譜謀

中間失其世次為可惜也雖然左氏叙陳敬仲光遠而自它有耀又曰非此其身在其子孫惟君德克而實浮不耀其章幸哉有子疊疊乎儒歟孜孜乎吏方是宜立身揚名顯前人之光何待退之而後發亦豈必遠耀於他邦乎茲為肯堂也大矣

嘉泰肆年二月望

筠州判官廳記

國家以民之休戚政之臧否寄二千石其設官有亞有旅亞者倅也位逼未免於撫意不盡者多矣穆曹旅也分聽次治各司其局而已若乃事無不預而非逼職未嘗分而情通惟幕職為然筠州判官王牒參璋南大弟兄競爽同取科第以嘉泰壬戌七月寔未持身正泣事明一即嘉穎官廨在麗譙內蓋尚書郎趙不邀茂中營造於紹興之庚午踰五十年敝當改為前政周景南經始而不克至是太守王淹伯奮既給竹木又出羨錢四十五萬米百斛但而夫易而新之相其地形深財十餘丈博則加倍乃列堂與廳並南向廳為三間其後分東西二齋榜曰壺天者禮部侍郎倪思正甫吏隱時所題也堂為五間深明雅潔不侈不陋介于二者有古鄉堂茂中為叢桂設也稍

東面西有尚綱堂南夫所創也九月庀工閱月而成予愛李觀元賓記常州判官袁德師廳謂前軒翬飛竹攔鳳食蓋由郡守常公遇袁以善袁報常以誠遂濟登茲今筠守甚賢捐費不吝幕下又賢居之也安善遇誠報賓主兩得惠政加乎千里豈有既乎姑徇其請為之記四年甲子二月望

台州仙居縣李記

孔堂高弟猶分四科性與天道未嘗輕言世之學者乃欲德行言語政事文李兼而有之其不可得而聞者每求於議論之間徃徃名是實非言出而躬不逮此今昔通患也古靈先生陳公歸襄字述古福州候官人時方以雕篆為李獨陳烈周希孟鄭穆唱道海濱鄉人化之號四先生皇祐中令台州之仙居篤意學校首為文勸人讀書次諭以禮義之俗又擇明經之士朝夕講說旬間大義間習程試高不躡等卑不流俗示之以方期造於道而進取亦在其中士民懷之奉祠今百五十餘年嘉泰辛酉夏通直郎四明林岳來治茲邑歆慕前哲凡庠序堂廡門觀率新之厥初祠宗庫下遷寘中門之祐極其嚴絜刻公遺文二十五卷得謝雨詩於斷碑增寘集中李有射圃淪棄

榛莽亦加薙葺別市民居創觀德亭總為錢二千百緡皆出節用籍贖田十八畝輟務場餘財月萬錢以贍給生員請尉簿嘉禾錢撫專主教導於是李職林宓呂咸陳頴不遠二千里以記為講夫教人必以聖人為師古靈李夫子者也林君瑋古靈者也李者誠能各因其財孜孜弗怠尊所聞而行所知豈特無負賢今亦將無負先聖可不勉歟按因史古靈傳惟載其宰河陽典數郡所至必務李校而令仙居則畧之是尤不可以不書也四年甲子四月望

廣昌縣李記

旴江折臨川而為軍廣昌又祈南豐而為邑其地極江西界接于閩疆秀民為多初立李在縣獄之右紹興十七年令承敷徙寘縣南郡丞劉嶸為之記後五十餘年當嘉泰二年四月奉議郎曹進之耒為宰謁先聖殿上漏旁穿兩廡歌則且非其地邑士胡巖老請改築于縣治之東止戈亭舊基諸生相攸僉謀為允於是進士褐英之子儼子儀三人輸財効力主其事而黃作舟作礪首捐錢四十萬為之助士胥和之尤士癸亥之夏甲子春新李成培卑為高以避水潦雙溪夾流匯為大江面對羣峯宛如圖畫高明堅壯

他邑鮮儷進之予門生也求記勤甚予聞有李校之
教有李校之文昔夫子折衆六藝自虞至周凡李校
之教之文散於諸書禮樂中故論語不復問答惟告
門弟子曰入則孝出則弟謹而信泛愛衆而親仁教
在其中矣行有餘力則以孝文文在其中矣 本朝
開設李校復帝王之盛雖碩儒名卿布于中外而士
之月書季孝惟在奉業故時文無慮三變殆因唐舊
專用詞賦或曰 雕篆無益也於是經義行爲專門
一律又以為病而大李中庸之說出時論愈高行之
愈難為師儒者既用此為去取士亦以此應之殆非
國家孜孜求賢之本意也 上方會其有極歸其有
極士當是訓是行一變而至於道以副教育則所謂
文將不勝其用矣於科奉乎何有進之衡州耒陽人
淳熙辛丑登科既視事金芝產解中嘉禾生于野為
政亦可知矣四年五月日

撫州學記

昔唐以耒撫守多名臣至 本朝則儒宗鉅公相繼
而生李校之盛固不待言歲久或敝敝又圖新理也
雖然即守生盟為易教官任黃也唯慶元二年豫章
胡君元衡耒臨師席文風既振復懷永圖乃大議葺

治適李糧贏錢百二十萬太守陳侯研首捐千緡常
平使者王君容及後守曾侯楷各助十之三漕憲繼
之總錢又百三十萬米不在焉以六月甲寅興工明
年八月訖事凡大成殿御書閣講堂倉廩皆飾其舊
內外門墻廊廡及正錄職事之位東西序之六齋文
昌之軒庖福之所悉鼎新之或請記其成太守曰教
官力也弗許教官曰此二千石功也當書會入官上
庠亦復不果今數年矣先曰李正鄉貢進士嚴茲以
書遺某前不來文教官謙也歲月雖久公論致存敢
敏以請昔孟子論傳道之序由堯舜至湯文皆五百
餘歲由文王至孔子適至其期故曰文王既沒文不
在茲乎蓋自任也惜乎無時無位不得見諸行事退
脩六藝以傳萬世今李者幸居李校讀六藝之書旦
旦而未望數仞之墻盍具及宥之歎既升其堂盍想
聞金石絲竹之音仰之彌高鑽之彌堅瞻之在前忽
焉在後又當瞻顏子若孔之卓夫如是晝而思之夜
復思之則於道也其庶矣乎墨池文祥始存故事足
矣嘉泰四年六月

廬陵縣學三忠堂記

文章天下之公器萬世不可得而私也節義天下之

大閑萬世不可得而踰也吉為江西北上郡自皇朝逮
今二百餘年兼是二者得三公焉曰歌陽公脩以六
經粹然之文崇雅黜浮儒術復明遂以忠言直道輔
佐三朝士大夫翕然尊之天子從而謚曰文忠
莫不以為然南渡搶攘右相杜克擁衆臣虜金陵守
陳邦光就降惟通判楊邦乂戟手駕賊視死如歸因
勢凜凜士大夫復翕然尊之天子從而褒贈之賜
謚曰忠襄則又莫不以為然時宰議禮衆論詢詢為
一編脩官胡銓毅然上書乞斬相參虜使三綱五常
賴以不墜士大夫復翕然尊之厥後天子從而褒
贈賜以忠簡之謚則又莫不以為然是之謂三忠雖
然北邦非無宰相如劉沆冲之在朝嘗力薦文忠留
寘翰苑又引富文忠公獨共政今姓名著在勲臣之
令而謚則未聞子瑾孫憫俱為待制迄不能請矧被
遇之從臣乎夫然後知節以壹惠天子猶不敢專
亦必士大夫翕然尊之乃可得耳廬陵宰趙汝廈即
縣庠立三忠祠歲時率諸生祀焉巍巍堂堂衮服有
章揭日月而行學者固仰其煒煌若夫百世之下聞
清風而興起得無慕休烈揚顯光者耶汝廈用意遠
矣嘉泰四年八月日

碑

永豐縣旌忠廟碑

高宗皇帝中興之三年歲在己酉金虜分道入寇江浙大擾十一月隆祐皇太后自洪上顛獲衛將杜

彥揚

當時誤以世雅奏乃其字也

道道叛屠撫之崇仁縣遂犯吉之

永豐知縣事左承議郎宗室訓之字誨道素懷忠憤有為國捐軀之志至是率尉脩戢即陳自仁拒戰境上分民兵為三一統賦後一據地利誘以羸卒賊遇伏而敗他盜蟻附鳩張尉死之侯力不支轉闖入郭罵賊遇害年四十四賊視防守營樹數服而去邑免焚蕩士民獲全不可計人人德侯奉其柩葬太和縣盧源鄉又附祠城隍水旱疾疫禱焉明年詔贈朝散郎加直祕閣官其後兩人自仁亦贈通直郎官一子同立傳國史久之二孫彥楠彥權皆踐世科歷內外任使慶元五年彥楠以九江郡丞浴檄省謁祠墓始從父老歐陽昌等得侯死所即邑東藥師院隙地創廟三間設侯及夫人喻氏像尉與享焉廊廡門閭嚴潔相稱以九月興工六年二月邑官致祭落其成郡守趙善鏐既助工費復止其事于漕漕雷梁下樂安丞吳魯卿新淦主簿梁季安繼未覈實俱謂侯節

義顯著禱祈輒驗實存功於民嘉泰元年太常擬賜
廟額旌忠六月壬寅制曰可彥楮等請文刻麗性
之碑乃為作迎送詞歌以祝焉其詞曰

忠死為神仙兮前言孔翦我侯兵解兮上征

帝傍民懷德惠兮姓名愈芳天子有命兮典

祀舊疆新宮翼翼兮像設堂堂帝意君曰民

不忘汝文豈忘往其廟食從巫陽春秋致享禮

有常牲牢絜肥奠椒觴天坎伐鼓舞洋洋神具

醉止欣樂康時節謁帝奏祺祥雨賜以時豐稻

梁厲鬼驅除絕寇攘思江湯湯兮與神之績彌

遠而彌長三年二月辛丑

在法神有功者初賜廟額次加侯爵此碑彌侯原本也
初侯之亡安撫使朱丞相勝非檄太和县官泗洲文李蕭瓌
集民兵未邑定亂瓌因收恤侯家妾盧源以其子世松
娶侯長女後七年喻夫人卒遂合葬焉侯之子孫間未展
墓瓌孫登仕即知節實為東道主廟成復為刻
碑蓋其象素尚義云

周益文忠公集六十一

平園續稿卷第二十一

宋廬陵周益公必大著

神道碑一

龍圖閣學士左通奉大夫致仕贈

少師謚忠簡張公闡神道碑 紹熙五年

紹興元年二月丙戌 詔次多難未弭人才為急其
復秘書省置官屬當是時 高宗方馬上治天下乃
肇復文館收召名勝儲次待用君子是以知中興之
必可冀也時范丞相宗尹實當國而秦丞相檜初拜
叅知政事逮十年春秦雖專國柄然以與聞初議猶

未敢進非其人維永嘉張忠簡公以端醇修潔用給事中林待聘薦召對召試入省凡五年同僚或自臺察驟用或由著作為左右史其下亦不失尚書郎而相國元粹子簪又相繼為之長他人附麗不暇公獨介然其間秦知公久次喜論事一日微諷公謂當入臺公迎拒之坐是報罷閑廢十有五年了無愠色秦薨公亦不求知於人二十九年始以御史臺薦為檢法官班序更出正字下恂恂百僚底人為公太息會對便廢論事鯁挺擢吏部員外郎壽皇初開建王府高選講讀官朝論舉屬公遂改祠部郎中兼贊讀而直講則史丞相浩也三十二年六月己巳王為皇太子升少宗正兼右諭德俄內禪攝二冬卿未幾直講大用公雍容從臣之未治和也隆興初元落權字歲中進長本部上方銳意恢復而在廷議論不一公每陳正心誠意修政事攘夷狄之說上亦虛懷聽納每事咨訪使公少卑之執政可立致會江淮都督府結局和議已成公堅求去上不能奪自壯至老大節蓋如此可謂始終全德矣公諱闡字大猷溫州永嘉縣人曾祖恭祖積父贈中奉大夫沈皆積善樂施公幼夢人大書闡字曰以是名爾中奉異之力

勉公學未冠由舍選貢京師中宣和六年進士弟調
嚴州兵曹掾兼治右獄州將欲戮土豪付公鞠之公
謂罪不至死卒請如律人嘉其有守建炎 登極循
修戒即丁父憂紹興改元免喪以從政即為虔州州
學教授叅政李公回師江西辟置幕中四年叅政席
公益帥湖南又辟公幹辦公事洞庭群盜熾張公盡
策造戰權訓水軍賊勢以衰諸司交薦改秩吏部引
歲月失通理沮之公求監南嶽廟以歸連教授鄂州
台州既 賜對首言金人歸我關中願固守以蔽巴
蜀圖中原次論監司郡守舉官之弊又乞嚴禁過糴
濟江浙水患皆契 上意命試學士院遂除秘書省
正字輪對論三字其一請廣人才任將相練士卒則
徽宗梓宮可還 母后 淵聖可歸毋專屈已和戎
使權不在我二日臣比自溫歷處婺溪旬每值雨雹
颶秀者偃桑萌者落盍恐懼修省以召和氣其三論
官冗曰兵火後縣不滿千戶設官乃十餘人州不滿
万户而官至百餘人場務及兵官率十員無學校而
置教官無軍士而置將領駐泊鈐轄之屬及員外置
者不在焉昔漢光武併省四百餘縣吏員十置其一
唐憲宗用李吉甫言省冗員八百吏千四百漢唐中

興宜以為法 上獎諭曰非卿不聞此在職滿歲改
左宣教郎十二年遷校書郎兼益王府教授公自以
儲才之地無力可陳惟國家大利害可因事納忠時
諸大將恃功邀爵賞有過則姑息又兵布于外而樂
衛單寡公上疏極論之厥後稍進退諸將召諸道兵
補三衙闕額往往符公言明年以祕書郎兼國史院
檢討官請通好高麗西夏訶北虜之勢明詔大臣廣
求人才上皆嘉納又明年 駕幸祕書新省例遷一
官自是免去踰年主管台州崇道觀秩滿添差通判
泉州代還改衢州未上省罷二十五年冬 上躬攬
乃幾起提舉兩浙路市舶居二年乃為臺屬升郎闈
入王府稍嚮於用三十一年四月御批雨傷蠶麥盜
賊間發令侍從臺諫條具消弭之術公適輪對謂講
和以來竭民力奉驕虜人不堪命強遣中原歸正人
怨恨日深監司郡守不按法貪藏州縣被害放積欠
有名無實二稅先期追擾商賈苦於重征能革數弊
突異消盜賊弭矣又言元顏亮積粟聚兵意在南寇
乞寄要害防海道巴蜀淮襄不可無良將督視不可
無大帥 上曰卿言深中時病惟遣歸正人誓書所
載卿未知爾已而亮果遣使持慢書來朝廷始為戰

守備略如公策八月遷將作監是冬虜騎臨江公因轉對請增治江戍兵大修諸郡之備濟師京西淮東牽制虜軍民年夏進宗正少卿壽皇登極擢權工部侍郎兼侍講賜服金紫以隨龍恩遷七官遂輔左通議大夫入謝言將以敗為捷冒受爵秩諸州廂禁軍因覃霈鼓譟希厚賞不可正其罪上為次弟施行虜亮死新主復求和朝廷議再遣使詔畧曰敵人索舊禮從之則不忍屈不從邊患未已納中原歸正之人東南力不能給否則絕向化之心宰執侍從臺諫其詳議以聞公言是將練兵名分可正江淮授田遺民可招疊疊數百言是冬給禮侍從臺諫條具時務公上十事一曰強國勢二曰革苟且三曰重臺諫四曰明賞罰五曰信號令六曰抑奔競七曰嚴軍政八曰職貪吏九曰節財用十曰禁科歛當是時應詔數十人惟公與國子司業王十朋指陳實事斥言權倖無所回隱明日上召兩人對內殿大加稱賞賜酒者面授御書各一軸隆興元年正月真拜工部侍郎公奏臣去冬乞守御兩淮陛下謂立春行之夏秋當畢備今其時矣面陳三策移都督府於維揚增修淮上城郭優恤山水寨民兵及死事之家以

勸來者 上曰今江淮事盡付張浚 朕倚之為長
城會督府請受蕭琦等降 上召問公公疾不能入
奏請受其降俄報王師收復靈璧虹縣公慮大將李
顯忠邵宏淵深入無援奏乞益兵殿後已而王師果
失利衆論遂歸罪於戰公奏 陛下出師受降是也
諸將違節度且無援而敗當矯前失安可遽沮銳氣
上命益出御前器甲付諸軍親禮勞張公軍聲復振
時數易壹諫公力言之會太白晝見 詔近臣條關
政公謂比年災異數見去秋七月温台颶風壞蘆舍
以萬計二浙飛蝗蔽野今歲夏秋雨淫水溢未直翔
湧太陽薄蝕星緯復爾當思應以實不以文乃者言
路輕易出令不謹君子未進小人未退給禮條薛政
而無所更革臧否監司守臣而無所升黜文其如此
致變固宜至如近則荆襄江淮守禦缺然遠則蜀道
連歲出師凋瘵已甚 陛下方馳騁毬馬日引狼子
野心之人周族禁禦乘象安得不再三示警耶疏入
上召公以繫愁非朕所好邊陲未靖欲便習鞭馬耳
公因言 真宗仁宗增置諫員今纔一二人非所以
廣聰明 上曰臺諫好名如某人但欲得直聲而去
公曰唐德宗疑姜公輔為賈直陸贄切諫願 陛下

深以為鑒 上再三嘉獎虜復來成 上與公議公
曰彼欲和畏我耶愛我耶直穎我耳力陳六害不可
許 上曰朕意亦然姑隨宜應之上又記公賈且之
語謂胡銓亦及此朕非拒諫者辨是非耳公曰 聖
度當如天宗何與臣下爭名 上忻然曰卿言是也
頃之除權工部尚書無侍讀十一月宰執奏今秋金
國副元帥紇石列志寧以書論通好朝廷遣使臣盧
仲賢報之所論三大事正國書歲幣如數皆定不疑
惟唐鄧海泗未決將遣王之望龍大淵通問而衆言
紛紛不已乞以當和否遣使與否禮數後先土疆取
與大詢侍從臺諫擇其善者從之詔於後省限一日
集議於是吏部尚書凌景夏戶部尚書韓仲通權吏
部侍郎余時言刑部侍郎路彬同一議禮部侍郎黃
中兵部侍郎金安節同一議侍御史周操右正言陳
良翰為一議給事中錢周材起居舍人馬騏為一議
起居郎胡銓監察御史戶穡閻安中各自言之其說
人人不同公獨謂不與四州乃可通和議論先定乃
可遣使今彼為客我為主我以仁義撫天下彼以殘
酷虐吾民觀虜勢已衰何必先示以弱朝論題之初
上用 真宗故事命經筵官二真進宿學士院朝夕

宣召高權古今諮訪政事公入對尤數知無不言屢引疾丐閑上曰朕所以知外事皆賴尚書相從久忍言去耶二字四月公請益力上不得已除顯謨閣直學士提舉江州太平興國宮陛辭上問所欲言公奏許和則忘祖宗之讎棄四郡失中原心遣歸正人傷忠義之氣惟陛下毋忘老臣平昔之言其指時事尤諄切上曰卿姑暫還鄉秋涼復召卿矣加賜金犀帶特許佩魚公既退賦詩云八請肥天顏今朝出漢闕渾如倦飛鳥日暮傍巢還到家踰月而病以龍圖閣學士左通奉大夫致仕七月二十六日薨訃聞特贈端明殿學士息數視簽書樞密院賻銀絹二百疋兩享年七十有四乾道元年十一月十四日葬本縣建牙卿瞿溪之原中奉公墓側初公素樂其山水將歸老焉葬從公志也淳熙十年特賜謚忠簡累贈少帥娶盧氏先公八年卒贈越國夫人四子伯桂國學生早死仲粹朝奉大夫新知通州叔椿朝散大夫江西轉運判官季擣朝請郎主管建寧府武夷山冲佑觀一文稼奉議郎兩浙轉運司主管文字盧珉孫煥承議郎新權通判平江府煒宣義郎充兩浙西路安撫司幹辦公事焄通仕郎燧東奉郎新

監建康府戶部大軍庫門嬉文林郎新福州羅源縣
主簿餘未命名孫文二人迪功郎新監行在省倉中
界吳瑾從事郎新臨江軍判官潘檜其婿也曾孫垓
脩戢郎新福州長溪縣主簿次尚幼公莊重出於天
性誠信濟以學力在玉卮讀資治通鑑至脩身治國
必反復誦說 壽皇每嘉納暇日 賜禮和詩恩意
綢繆人謂公必輔初政而公歸志浩然善類迄今以
為恨平生行事悉筆子冊五十餘年不少瘠文体莊
然詩尤清遠鄉人子弟多求公紀其父凡行實諸子
類成文集若干卷 藩邸聖德事迹十卷經筵講義
故事若干篇奏議若干卷並藏千家公之為臺法也
某與館戢間遇公朝士之家公徑趨下坐客頗不安
予謂公即祕書越二十年乃館中先進當序齒如例
衆以為允公初貳冬官某忝起居郎追班從駕密踵
公武情好孚洽今轉運君以書來諗云先君道同志
合惟王公十朋胡忠簡公銓王公掌為行狀許志墓
而不果胡公亦下世成遺志者惟執事耳某不敢辭
乃為銘曰

煌煌精金 百鍊不變 矯矯勁松 歲寒乃見
勉美張公 積善自躬 正直靖共 一其初終

紹興盛際 公在館閣 尊厥德性 恥要人爵
龍躍于淵 翼之天飛 政路砥如 公背而馳
上知公誠 士服公識 信道而行 何徇何激
官非不崇 壽非不隆 用有未盡 人思無窮
三溪釣徒 公昔自謂 樂哉斯丘 尚愿公志
資政殿大學士贈銀青光祿大夫

范公成大神道碑 慶元元年

吳郡范氏自文正公起孤童事 仁宗皇帝當慶曆
癸未入 參大政後百三十有六年公復參 孝宗
皇帝政事維譜牒不通俱望高平孤南陽之順陽蓋
鳩夷子苗裔也今為郡之吳縣人公諱成大字至能
曾祖澤贈太子少保妣昌元郡夫人夏氏祖師尹贈
太子少傅妣咸安郡夫人陸氏咸寧郡夫人蔣氏考
雱終左奉議郎祕書郎贈少師母秦國夫人蔡氏莆
陽忠惠公之孫而潞忠烈公外孫也公在懷抱已識
屏間字少師力教之年十二徧讀經史十四能文詞
是歲秦國薨明年少師薨公竢然哀慕十年不出竭
力嫁二妹無科舉意欲買山無貲取唐人只在此山
中之語自號此居士又慕元魯山為人一字幼元生
友衛史王公彥光勉之曰子之先君期爾祿志可違

唐書卷一百一十五
手與課以舉業遂中紹興二十四年進士第調徽州
司戶叅軍歷三守李植潘莘洪文惠公李御下嚴獨
霽威待公會遷提點坑冶辟公幹辦公事不就潘格
郊赦不死諸軍糧欠衆言紛紛將校告急於公公徑
為免符白守行之乃定洪公博洽精明每以訟牒付
公必問一牒幾人姓名云何公由此究心熟吏事洪
公喜日與公商榷今古常曰吾視君處必至兩地其
自愛用舉主陞從事卽三十二年入監行在太平惠
民和劑局堂吏勾藥不獲以朝旨下所隸太府覓細
故杖吏逞憾公白戶部侍郎汪公應辰杖太府吏已
能大其官矣 壽皇受禪命宰臣編類 高宗聖政
隆興元年四月以公為檢討官又兼勅令所近世局
務無脩書者人以公為宜

詔百官條時弊公舉十事極論具非所以為國執政
竒其才二年四月除樞密院編修官居數月自以銓
格改左宣教卽時館職定負有 詔公與王衍候闕
召試十二月鄭升之不試先除牽聯併除公秘書省
正字公不可必試策而後就乾道元年三月升校書
卽六月兼國史院緣脩官十一月遷著作佐卽二年
二月除尚書吏部員外郎言者以不先攝為起遷宰

相與著廷間擢左右史顧不可為即耶九月言者罷
乃主管台州崇道觀三年十二月起知處州 陞對
論力之所及有三一曰日力寸陰是也二曰國力資
用是也三曰人力思慮智術所及者是也三者有限
今盡以虛文耗之公前應 詔上封及試策反復論
此至是方見 上力以為言 上曰卿能激昂如此
朕當 行之四年八月至郡松陽民爭役公曉之曰
吾聞東陽縣有率錢助役者前婺守吳侯義之為易
鄉名獨俾褒勸爾與之隣獨無愧乎民既感謝則推
廣其制論鄉人視貧富輸金買田擇信義之家掌其
事諸歲入助當役者命曰義役仍許自第名次有司
勿預數月間人皆樂從一縣二十五都悉以辨告甲
乙相推逮至二十年諸邑爭効之處多山田梁天監
中詹南二司馬作通濟堰於松陽遂昌之間激溪水
四十里外溉田二十萬畝溪遠田高堰壞已五十年
公尋故迹議伐大水橫壅溪流度水與田平即循溪
疊石岸引水行其中置四十九閘以節啟閉上原用
足乃及其中次及其下而堰可復議定官為雇工運
石命其傍食利戶各斧丁壯分畫界至以五年正月
同日興工四月而成水大至如初議適公被召躬往

勞極父老驩呼曰堰成公忍去我耶公曰吾能經始安能保其無懷為立詹南廟作堰規刻石廟中盡給左右山林為修堰備至今蒙其利公入對因及義役上大喜頌其法諸路公曰此可助法非以為法顧守令行之何如耳初上命宰相陳正獻公擇文士掌內制正獻薦知遂寧府張震及公至是上曰卿文學詞翰宜直禁林公慙前遷即致謗懇辭復告政會上目疾不御朝久之內殿奏事上首及公除目正獻道公意上曰不專在內制正要士人宿直備顧問乃除禮部員外郎兼崇政殿說書上令更加清職遂兼國史院編脩官會從兄成象為工部郎官公援故事乞班其下從之內直數宣對掌論公朕治心養性以求知道公曰知道莫如堯舜禹湯文武周孔其靜而聖存心養性是也動而王治天下國家是也漢唐之君功業固有之道統則無傳焉上嘉贊數回十二月擢起居舍人兼侍講直前謝上曰卿閑深博約故有此除文兼實錄院檢討官公奏獄案淹延當貸者多瘦死嚴程限於是自三省至大理皆定經由之日公先掌論二浙丁錢至是詔適減之乾道令以緡計賍沽價頗輕論罪過重公奏承平時絹疋不

及錢而估價過倍紹興三年遞增五分為錢三千
足今緡益貴當倍時直上驚曰是陷民深文也遂
增烏四千而刑輕矣後又奏勤政而不省其成否治
且雖多何益古者君臣相戒旣曰率作興事又曰屢
省乃成二典之治如斯而已上喜曰卿言切治道
已退復招公曰為朕尋繹經傳與此論協者條上公
即摘取書易左傳國語孟荀等書上之初大臣與
上謀移侍衛馬軍屯金陵示省進取先遣使請祖
宗陵寢河南故地又隆興再講和名體雖正失定受
書之禮上常悔之六年五月遷公起居即假資政
殿大學士左太中大夫醴泉觀使兼侍讀丹陽郡開
國公充金國祈請國信使為二事也上語公曰朕
以卿氣宇不群親加選擇聞外議洶洶官屬皆憚行
有諸公曰無故遣泛使近於求釁不戮則執臣已立
後仍區處家事為不還計心甚安之上曰朕不敗
盟發兵何至害卿葢雪餐氈或有之不欲明年恐負
卿耳國書專求陵寢而命公自及受書事公乞併
載書中朝廷不從公遂行虜遣吏部郎中田彥皋侍
御史元顏溫哥客彥皋文儒深敬慕公至求巾幘劬
之越燕山公知虜法嚴附請不可達密草奏具言他

日使至欲令親王受書其詞云云懷之入觀初跪
進國書陳誼忼慨虜君臣方傾聽公隨奏曰兩朝既
為叔姪而受書之禮未稱昨嘗附元顏仲李若川等
口陳文未得報臣有奏劄在此播笏出而執之金主
大駭厲聲謂其宣徽副使韓綱曰有請當語館伴此
豈獻書啟處耶自來使者未嘗敢爾連呼綽起綱皇
恐以笏來綽公公不為動再奏云奏不達歸必死寧
死於此金主欲起左右掖之坐又厲声云教拜了去
綱復以笏抑公拜公跪如故金主曰何不拜公曰此
奏得達當下殿百拜以謝金主乃令納館伴處公即
袖下殿望殿上臣僚往來紛然後聞太子欲殺公其
兄越王不可而止頃之引見如常儀既歸館伴果宣
旨取奏去是日綱押宴謂公早來殿上甚忠勤皇帝
嘉歎云可以激勵兩朝臣子後數日朝辭金主其臣
傳諭云盟好已汝國乃以帛書密與夏國任德敬結
約此何理也公容以界外奸細偽為之俄館伴持蜀
中臘書來指印文示公公曰御寶可偽况印乎德教
者夏王外祖號任令公再世用事欲篡其國事敗族
誅而四川宣撫司掌輿通問為夏人所獲致之虜廷
云此月公還金主答書有曰柳聞附謂之辭欲變受

書之禮出於率易要以必從。上於是知公竭節盡忠，贊勞之餘，有終始保全語。除中書舍人，同修國史，及實錄院，同修撰，賜紫章服，副使以下皆遷，兩官惟公不預。蓋大臣不樂公，嘗言其輕信西夏也。上勵精政事，患風俗委靡，書崔寔政論，賜輔臣。公講禮記天子不合圍，諸侯不掩郡。上曰：此成湯祝網意也。公遂奏德莫大於好生。陛下得之人矣。乃者御書政論，意在飭紀綱，振積弊。而近日大理議刑，迺加一等。此非以嚴致平，乃酷也。上大喜。日鄉知言閣，臨安已觀望行事矣。講退侍講張君拭謂公深得納約自牖之義。右史莫君濟曰：當書之記注後數日，公進故事，復申其說。自公使北，狂生上書迎合，恢復事補官十餘人，公奉倖門不可開。繼此臣必繳奏。上曰：誠然。書已滿屋，朕皆弗省。公每事正，抃大率類此。七年以知閣門事兼樞密都承旨，張說簽事院事。公當制，知空言不可回。明日袖詞頭納。上前且曰：閣門官日日引班，一旦驟寘二府，正如州郡以典謁吏為倖貳。觀聽謂何。明日說罷，係月餘，公求去。上曰：卿言引班事甚當。朕方聽言納諫，乃欲去耶。公自是數有繳奏。會召宋貺，公又論之。章不下，尋除集英殿修撰，知

靜江府廣西經略安撫使明年春說竟拜簽樞九年
公始赴鎮廣西荒遠窘匱承平時仰湖南北及封樁
錢七十餘萬緡禪歲計此外惟恃鹽貨其法屢變大
要官般為便逮炎後中原士族富家避地輻湊嘗一
行客敗其後客皆北歸鄰道歲給亦停稍許折苗招
糴旋以病民而罷諸郡專籍運司之利漕司取十六
以其四充郡計已復盡取之於是屬州有增價抑配
之弊詔復行鈔鹽漕司物鈔錢均給所部而錢不時
至守令束手無措極邊如邕州至經年無吏俸禁軍
逃亡不補公入境曰利害有大於此乎日夜討論連
奏䟽數千言大略謂法久或弊挾之在人誠能裁漕
司強取數之以寬群縣則科柳可禁不在改法上亟
後之從年 廣州壹鹽商上書乞復客販吏部侍郎
詹晨儀之以為然宰相入其說請下詔示必行大出
朝廷錢銀助之人多以為非屢下有司議皆謂公前
䟽不可易久之卒如其舊交趾間進馴象紹興二十
六年有大僚為帥自詣驛禮其使至是遣戶子思來
公曰吾經略諸蠻陪臣安得尤禮受其庭參而犒之
遂為定制舊法馬以四尺三寸為限詔加至四寸已
上公謂互市四十年不宜驟改論奏再三仍條馬政

革弊事皆根可有訟邊巡檢常恭者誘南丹酋莫延
萇開路市馬直建帥司以自為功張說猶在樞庭引
恭見上詔委李宗彥措置馬事公奏南丹越宜州
以非法今併舍帥司邊防壞矣疏恭罪惡密遣人擒
以歸會說去位流恭江州公以溪洞佳人出沒不時
請選官團結省民毋得外交寇至勿俟官兵徑禦之
以及熟僮在省地者亦為保伍明開博易之路毋得
私易文遣人深入蠻境諭以約束自是無敢犯法吳
安縣界盜傷人公密設方略掩之捕適中秋同諸司
泛州賞月命取大庖酌酒置案間提刑鄭丙問故公
笑曰歆飲至爾俄岸上謹謀乃將官沙世堅執賊首
來即以庖酒飲之諸司駭服瘴鄉多旅樞公擇城北
坑治故墟為家瘞之揭名氏於傍微者別為二大冢
凡住族落而使自言給歸資至今以為法淳熙元
年十月除敷文閣待制四川制置使知成都府稍鑿
夔峽山路以避湍險人以為便會復置宣撫使以命
樞臣改公成都路制置使未幾廢宣撫司公復專四
路之寄初及境言吐蕃南詔昔為唐患今幸瓜分西
而無警二百年近者雅州碉門蠻入寇敗官軍乾道
九年吐蕃青羌兩犯黎州而奴兒結蕃列等尤桀黠

輕視中國臣當內教將兵外脩堡寨仍講明寨丁教
閱團結之法使人自為戰三者非才不可 上手札
獎勵賜度牒錢四十萬緡公日夜閱士製器甲督邊
郡次第行之時摘兵赴帥司按其精粗以黎為要地
奏置路分都監增五寨籍少壯五千為戰兵經理歲
餘凡吐蕃擾邊徑路十有八悉築堡置戍奴兒結借
諸部兵二千扣安靜寨公發飛山軍千人赴之料其
三日必遁戒勿與爭已而果然有白水寨將王文才
私取蠻文常導之寇邊公重賞檄群蠻使相疑二俄
蕃牙擒文才以獻公命即黎州教場斬之兵威大震
於是專意恤民矣初蜀之財用止以贍蜀自屯大兵
始竭民力公私俱困公略計成都在城建炎三年酒
課歲總四萬緡有時後增十倍縣鎮酒稅場店民戶
買撲課利總十五萬有時後累至四十萬它郡可知
即具以聞 詔歲減四十八萬緡公隨額重輕躬為
裁定蜀人呼舞即寺觀為感恩祝 聖道場公復言
和糴之害凡西兵十萬歲用米一百四十七萬斛兌
買省計及營田之外闕五十二萬斛括吳元階成西
和鳳文龍等州民戶家業而均科之每石予錢引四
道有半其二分折茶實給三引耗費斛面不與焉

詔與總領李蔡議蔡密計本所饋遺乾設歲約百萬
隱而不言獨奏乞朝廷降本招糴執政怒 詔公劾
蔡違制不同議公遣人語蔡蔡感懼始出羨數是歲
遂以北錢所在招糴其後 上疑歲歉或妨闕公謂
脫不得已權科一年歲豐如故不猶愈於常擾民乎
上曰善令每歲降指揮而科糴遂止文州蕃部間擾
邊公奏乞預為文告囑強者討繫之善良者撫摩之
使知畏慕不可專示弱啟侮 上以公公深知事體
即日施行蜀用陝西舊法料簡強壯民丁三萬寓之
於農號曰義士以待緩急歲又監司郡守多雜役之
都統司又令守闕隘烽燧具乞興大軍更戍公力言
其不可詔遵舊法諸路提刑歲俟朝命踈決詔到率
以秋公請五月舉行解試聚士四月五鎖院後十日
引試公請避盛暑速先一月皆著為令 高宗慶壽
赦舉引年致仕而才力不衰者公奏名士樊漢廣年
五十九孫松壽六十六先已納祿尤宜旌異 詔令
赴闕二人俱不至遂除職賜服蜀士歸心為凡人才
可用者公悉羅致幕下用其所長不以小節拘之其
傑然者則路章以薦徃徃光顯于朝或至二府三年
春公大病求歸 上令先進敷文閣直學士明白乃

下召命公列上兵民十五事 上曰范某已病尚為國遠慮可趣其來公疾愈而行送客數百里不忍別後公謝病吳門往來者伺候謁舍或經月必一見乃去其得士心如此十一月入對除權禮部尚書賜上方珍劑五年正月知貢舉開院侍御史奉 詔啟封吏承例牒拆號官而不云何官御史疑薄已有後言公尋兼直學士院四月以中大夫參知政事又權監修國史日曆終兩月前御史亟論公公即出閤明日宣押奏事引咎而已 上曰朕不忘卿數月訊至卿家矣除資政殿學士知婺州請以本官奉祠 詔如所乞提舉臨安府洞霄宮九月果有使來傳 詔撫問密賜累珠金鼎合實香其中六年二月魏王薨於明州起公代之兼沿海制置使公未優暇過闕依前執政例中使效勞賜銀合茶藥仍許服毳文帶特御後殿引見賜茶 上曰蜀人思卿如慈親故付卿以海道公奏張津伯圭魏王皆國懿親時節奉海物於兩宮臣外朝臣也不敢劾尤上命停貢而罷進奏局又乞權閣魏王移用諸同錢數萬緡寬民力 詔除之七年二月除端明殿學士三月改江東兼行宮留子奏事異陞辭 詔明日辭選德殿近例賜宰

唐文苑英華卷之五十五
執酒止傳觴至是特設几開宴酒三行命侍過西小
軒曰此朕清坐處也再坐 上曰勸卿一盃且有及
爲侑公飲訖二內侍捧縑素來上有石湖二大字
御墨尚濕公拜賜奉觴進謝 上爲滿引復細 御
書蘇軾詩一軸及賜自未至酉乃罷石湖左手江盤
門西南十里蓋太湖之派范蠡所徙入五湖者始吳
夫差築姑蘇前後臺相距半里爲城三重宴遊志歸
其前有溪金甌越耒溪句踐由此攻吳瀕溪築城與
吳人夾水相持遺址儼然公隨高下爲亭觀植花竹
連芟湖山勝絕繪圖以傳至是構宸奎過家刻之四
月開府金陵適歲旱公招徠商賈捐閣夏稅請于上
得軍儲二十万石賑飢民苗額十七万斛是年蠲三
之二而五邑受粟總四萬五千四百餘戶無流徙者盜
發柴浦去城二十里又劫江賊徐五稱靜江大將軍公皆設策捕獲
在鎮二年以餘財代輸下戶秋苗及丁錢一年九年公以積勤浸苦
眩自夏徂秋五上章求閑 上不得已進資政殿太子丹須洞霄
里居元年十六年十一月起知福州引疾辭 詔令奏事又辭
上先遣醫官張廣綿傳旨灼艾既對勞公曰卿南至桂廣北
使幽燕西入巴蜀東薄鄣海可謂賢勞宜其多疾袖
丹砂以賜時 皇太子參決庶務公得

見東宮坐論治道移時太子諭公不敢暇逸日惟讀書作字公日石湖已拜宸翰有壽櫟堂願得寶書

太子欣然曰是莊子櫟社事耶公既出閔上復

賜藥甚厚至家又遣使賜御書蘓轍詩二首

太子亦迹壽櫟堂三大字俄壽皇內禪公行至

婺州以腹疾力請奉祠從之壽康皇帝初政特

詔求言公疏乞述重華以廣孝治執仁術以守家

法堅國躰以定規模節經費以蘇民力精覘謀以

應事梳審選任以求將材脩堡障以固西南議鹽筴

以安二廣嚴錢禁以權官會廣屯田以實邊儲皆當世要務

紹熙三年加資政殿大學士知太平州公辭數四優

詔不允下車踰月幼女將有行而逝公追悼切至遂

請納祿復得洞霄而歸先以石湖稍遠不能日涉即

城居之南別營一圃闔杜光庭神仙傳記胡六子自

崑山風海至范村遇陶諸公事大喜曰此吾里吾宗

故事不可失也而題曰范村刻兩朝賜書於堂上

榜曰重奎其北又葺古桃花塢往來其間九年四月

公疾病語門人曰吾本不待年告老今不濟矣亟為

我刻奏詔下而次是月五日薨積官至通議大夫爵

自吳縣開國男累封吳郡公食邑三千二百戶實封

一百戶享年六十有八遺奏聞贈銀青光祿大夫自
公曾祖葬吳縣至德鄉上沙之赤山少師嘗戒子姪
它日葬我母遠先塋後葬稍南小丘公嘗營壽藏百
步間以十二月十三日歸寔妻和義郡夫人魏氏前
公幾月薨至是祔焉夫人承直卽信臣女紹興參知
政事敏肅公之猶子敏肅知公深一見以遠大期之
二子華承務卽茲承奉卽女長適從事卽新監行在
車輅院張蒙次封孺人卽沒於當塗者公天性孝友
少師工部如嚴師愛二第教而撫之待成績尤至今
爲朝請卽通判建康府成以前卒効恩官群從第姪
五人歷典名藩所至禮賢下士仁民愛物凡可興利
除害不顧難易必爲之樂善不厭於同僚舊父喜道
其所長不欲聞人過去思遺愛所在歌舞之公天資
俊明輔以博學文章瞻麗清逸自成一家尤工詩大
篇短章傳播四方初劾王筠一官一集後自哀次爲
石湖集一百三十六卷別著吳門志五十卷使北有
攬轡錄入粵有駮鸞錄桂海虞衡志出蜀有吳船錄
各一卷公蔡氏所自出故書法兼真行草之妙人爭
藏之 壽皇尤愛賞相與極論古今翰墨數被賜予
因虜使爲館伴王侍郎拒詳言公奉使時事益簡上

心以公羸疾賜藥無虛歲至口授導引脩養必訣親
厚非群臣比輔政既日淺每出鎮輒以病免故雖大
用而未盡議者惜焉某與公齊年御史王公予外舅
也以是與公善壬辰春自春官去朝過平江遊城西
諸山公訪余灵岩同宿石湖望夜小舟共載湖心風
露浩然嘗有六十掛冠之約其後或同朝或相過于
外每以未踐言爲恨今公亡二子以主管吏部架閣
文字龔頤正行狀來請詔其敢以老詩銘曰

應龍將翔 滙以雲霧 聖君勅與 賚以丞輔

伊昔重華 治謹厥興 洵美范公 心期致主

皇初好文 公筆燕許 皇念典學 公業馬楮

皇資專對 公節譽武 皇命征鎮 公猷方虎

他人偏長 公力交舉 經營四方 不遑啓處

衮職有關 帝命公補 纒六袂旬 誰實公沮

豈無藩維 每以疾阻 時非不逢 施迄未普

刻銘函壚 尚詔終古

周益公文集第六十二

平園續稿卷第二十二

宋廬陵周益公必大著

神道碑二

中散大夫賜紫金魚袋周公樞神道碑 慶元二年

公諱樞字仲應姓周氏世為濟南臨邑人自公高祖陟家縣之曲堤曾祖登大理寺丞贈通議大夫祖典治平四年進士終左朝議大夫贈通議大夫父淵右通直郎贈紫金光祿大夫公少穎悟長以經術入太學嘗與太常丞吳棫同舍棫以憂去舉篋鑰付公曰有用任君啟之比吳免喪封識如故母趙氏 濮安

懿王之姪孫以 郊恩奏公承節即連丁內外艱窮
負土營葬服除試換迪功郎調單州刑曹數與守爭
疑獄靖康二年州募僚屬奉表勸進 康王往往移
疾公獨請行建炎初繳趣准浙網運展轉兵間至山
陽值劇賊攻城郡就委公守禦卒以無虞士民德之
請公行郡事公引劍誓不可乃止 覃恩修職郎又
改大平州獄掾疏理繫囚時其藥餌三年無度死者
以從政郎監臨安府都稅院尹才之命攝錢塘縣時
北邊以罷兵營繕日與錢塘當治郊壇籍田祕書省
不勞而辦賞循承直郎諸司交薦紹興十六年改右
宣教郎知常州宜興丞久之易宰平江之常熟治劇
沛然有餘力十九年 郊恩賜緋魚袋轉通直郎知
紹興府上虞縣積勞遷朝奉郎俄監鎮江府擢貨務
都茶場轉朝請郎大夫通判建康府帥方御即滋史
侍郎正志奉府事委公轉運韓尚書元吉趙少卿彥
端選公權知廣德軍軋道三年也最後葉丞相衡總
領財賦以公名聞趙赴都堂審察擢知撫州與奏事
稱旨會臣僚言郡守年七十者者宮觀三省類十一
人姓名以進 詔特留三人公與李衡柳楹也侍御
史李處全又薦公風力可治煩於是改知吉州七年

賜服金紫吉大州事十倍他郡公處之整暇適二漕不咸甲將以治韓薦公乙怒反加摠據公乃求主管台州崇道觀而去起為沿海制置司叅議官叅政范公成太守四明雅噐公軍事多咨焉狹滿主管武夷山冲佑觀遂致其仕疊德壽宮慶壽恩轉中散大夫公之守吉也某自禮部侍郎奉祠歸里公年七十五年每燕集連旦無倦色予猶未五十莫能陪也其後十五年公年九十携其兒孫訪予於相府飲食笑語如初寓居秀州海鹽縣既歸值夏秋暑甚得瘧痢疾整衣危坐而逝實淳熙十四年十一月四日公祥

練達敏外和而內有守不可干以私善筆禮善談論隆親急故無不得其懽心娶安陽王氏封宜人供備庫使知恩州贈少師諱復之孫朝請大夫開封府司刑曹事諱觀之季女而某先妣秦國夫人同堂妹也勤儉有容德歸公五十四年內助為多先八年卒公因卜地於縣之永安湖西石帆山葬焉至是乃同穴蓋明年二月六日也二子迪功郎湖州司理參軍大年前卒季子從事郎徽州歙縣主簿億年兼謹世其家二女長適張調再適文林郎福州錄事叅軍俞世昌次適卿貢士木曇孫男六人升南革孚頤正師中

鼎新允吉女六人曾孫男四人女二人億年數來請
銘不得而辭銘曰 儒雅禋其身公勤達于政不以
才能加諸人不以嗜慾伐其性一謙有終言五福考
終命之二者於信而有證矣

中大夫特進蔡公 伸神道碑 紹興二年

仁宗朝蔡忠公昌言乃直道文章政事廷臣鮮出其
右當是時由侍從登二府者非歷言路則入翰林非
尹開封則領三司四者公偏為之垂大用而 仁宗
上遷高軍資予修奉 昭陵橫費錯出公之處益間
暇中外歎服會間言請去未幾即世士大夫至今以
恨其葬也而惟幼子旻在仕至室義郎開封府上曹
贈少傅先娶賈氏翰林侍讀學士點之女封吳國之
夫人再娶潞國文忠烈公之女追封越國夫人是生
三子長直龍圖閣佃次徽猷閣侍制佃學特進也諱
伸字伸道三歲而孤鞠於文氏稍長與侍制從龍圖
受業名聲日昭時號三蔡釋褐將仕郎辟雍正出為
京東提舉學事司幹當公事入太學辟雍皆為博士
詮法改宣德郎調知維州北海縣徙江淮發運司幹
當公事通判徐州禁卒謀夜半舉火作亂公微聞之
部分他營密為之備仍戒謙樓故緩更籌戊夜方擊

三鼓卒舉火黎民既愆期衆無應者相卒逃去追捕
盡擒之微公一群殆矣會北虜陷汴都 康王開大
帥府公上謁軍門遂留幕下王即位巡淮甸及南渡
公皆從行為頓遞官數被加獎命為張循王神武右
軍參贊軍事出奇應變與有戰多戚方張守忠轉掠
江浙間公招以書皆來降蓋公嘗挺身入賊壘開心
見誠人故信之知楚州趙立公倅徐時部曲也自跪
專治兵以郡印遜公朝廷命公通判州事公力解辭
改通判直州冬大雪火焚千餘家老稚啼號填道公
處以官舍寺觀又發常平米振給守不可公自任責
上書詔罪待釋之權知滁州真民挽畝曰非吾父吾
屬死矣至滁幾年秦丞相當國知國與舊相趙忠簡
公副樞王敏節公厚罷郡主管台州崇道觀紹興九
年北虜歸我湖南起知徐州公受命亟行虜尋渝盟
改知德安府又改和州再求祠以歸久之為浙東安
撫司使參謀官秩滿復提舉崇道觀公負文武器略
善騎射力挽二石弓見謂時才而事機不契退居常
州浮湛里閭四奉外祠未始以窮途介意喜為歌書
字畫得家法性通音律每與賓客酒酣慷慨浩歌長
嘯遂至於老輕財重義濟人之急家無餘貲遇大禮

官伯氏二孫載咸報教育之德人益賢之二十餘年
十月庚寅以疾卒明年正月壬辰葬武進縣懷德南
鄉潭墅之原享年六十有九積官左中大夫賜服紫
金爵建寧縣開國男食邑三百戶累贈特進娶刑部
侍郎商守拙之女追封濟南郡夫人四子長湍承事
郎通判鎮江府後公二十年卒次洸試戶部尚書又
後四年卒次流從事郎監潭南嶽廟次湜承直郎新
貴州軍事推官六女武翼郎知楚州辛堅之從政郎
徽州黟縣令祖副昌通直郎知明州奉化縣向士邁
朝奉大夫知潮州潘淵明承義郎主管台州崇道觀
張克承進士劉澂之婿也孫九人戡今為中大夫克
右文殿之修撰知隆興府馘朝奉大夫通判潭州幾
承義郎知臨安府富陽縣歲承事郎職奉議郎新兩
浙轉運司幹辦公事獻戎未仕武歲早卒曾孫十人
康文林監康府提領戶部而贈軍酒庫庸承筆郎新
監淮西總領所惠局唐承事郎新監鎮江府大軍倉
兼將仕郎廌度餘未名按上蔡氏世家興化軍之仙
遊縣自公曾祖贈刑部侍郎琇而上隱居不耀忠惠
公拔起田間未冠擢甲科其弟高亦中景祐進士弟
不幸早世歐陽文忠公銘而悲之逮崇寧二年龍圖

廷試第一宰相京舊通譜牒請降第二大觀三年政
和五年待制與與公相繼登科自以家世名儒而龍
圖及從元祐諸公遊耻附宗袞常遠絕之因星變疏
宰相非其人坐責監當其後秦丞相與公有同舍同
年之好復不肯曲意干進秦薨而公亦病矣高宗一
日與知臨安府榮蕤歷數霸府舊人問公安在蕤以
公病棘奏上嗟惜久之其三世隱顯本末如此蓋
忠惠公蓄德壽後施及諸孫暨公善積慶餘充有良
子歷官八座被遇孝宗追謚曾門振宣幽光再傳
至右文優踐世科出入三朝由戶部侍郎分鎮江
西蔡氏之興殆未艾也公既沒四十年而墓道之碑
未刻右文君以予周行舊交使來請銘乃為銘曰
天之於人報於可必凡後之昌歸身之詘
惟忠惠公當用而抑肆其三孫競爽鼎立
季也允文而又武力曾是國器胡寧家食
遺子若孫畚取豐積勿替引之永世無斁
龍圖閣學士宣奉大夫贈特進程公大昌神道
碑慶元二年

故吏部尚書程公以龍圖閣學士就第踰年而卒其

子準等持兵部侍郎揚公大澶所狀行實屬其以銘

予與公同年進士數嘗同僚厚我莫如公知公莫如我其何敢辭公惟 孝宗皇帝聖學高妙屬精政事尤有知人之明惟公歷兩省六曹以該洽直諒見知相與論道統平政體在廷以北公亦志身殉國思為朝廷植悠久之計其在外則心乎愛民長慮却顧未嘗便文自營士大夫皆以不大用為恨及事 壽康皇帝興念舊僚疊加恩禮而左右之衷言公亦老矣無意仕進得謝于家盡發所蘊著書五言啓迪後生蓋其自幼至長褻祥卜祝無所玩好技藝無所嗜惟通經評史考古驗今一事未詳一理未窮無措也其始終大槩如此若乃爵議論而則可一二數矣公諱大昌字泰之按程氏其先出自重黎周有休父封於程地在閩中子孫散居西北有開封儀同三司吳洗者效節蕭梁著切於陳封忠壯公南史以安為新海寧人即今徽州休寧也厥後或北歸或遂留故公為休寧人曾祖晨娶洪氏祖世彥娶金氏父畎累贈正奉大夫妣淑人陳氏世積善尚義而孜孜教子至公穎悟殊常兒十歲能為文紹興癸亥重立太學年甫冠矣一試即預選學官爭為廷譽二十一年登進士第一左迪功郎主吳縣簿丁正憂奉服除獻文於朝

宰府奇之二十六年除太平教授明年召為太學正三十年詔館職必試乃除初召朱熙載等再召劉儀鳳等皆辭上命宰執擇人不許辭以公應詔仍諭上旨遂除祕書正字改左宣教郎三十二年六月孝宗受禪擢著作佐郎初政銳意事功論令四出責近或預密議公曰輪對及之尋命百官條弊事公又極言漢石顯知元帝信已先請夜開宮門之詔它日故投夜還稱詔啓闕或言顯矯制帝笑以前詔示之自是顯真矯制人不復言國朝命令必由三省防此弊也請自今被御前直降文書皆申者審奏乃得行以合祖宗之規以防石顯之奸又論去歲元顏亮入寇無一士死守而兵將至今策勲未已惟李寶捷膠西虞允文戰采石實屠亮之階今寶罷兵允文守護此公論所為不平也上韙其言三皇子就傳遴擇官僚九月以公為尚書駕部員外郎兼恭王府贊讀又兼兵部郎官隆興元年兼慶王府直講十二月丁母憂乾道二年春服闋召為考功員外郎六月復兼一恭邸贊讀八月選國子司業三年十二月兼權禮部侍郎一時文柄舉屬公其成就人才不可計凡今老師宿儒多公門生也五年正月兼權直學士院

宣對選德殿 上曰朕治道不進始向公知上志在
恢復迎合者多即奏陛下勤儉過古帝王北虜自通
和知遵中國不可謂無效但當求賢納諫使政事日
脩則大有為之業在其中不必用迎合之言求奇策
以幸速成又言淮上築城太多緩急何人可守臣謂
設險莫如練卒練卒則在選將 上深之後數日耳
再召對上曰卿前言朕儉是也獨病風俗太奢用度
不足今早與大臣議立法以止之公奏居室衣服吉
凶之禮皆由著令要在上之人持久以化之耳上又
問卿更有何事為朕言之公曰事有大小有先後今
四方獄案必經聖賢大臣因是亦困省曰何暇議大
事急先務乎徃 陛下嘗增左右司為四負若漸復
減負分以委之中書之務清矣後數年迄如公言八
月除直龍圖閣江東轉運副使蓋公求試民事故以
卿部寵之公引嫌改浙東提點刑獄越師多大僚適
歲豐酒稅溢額漕臺不敢問乘公攝帥遣其屬挾朝
命括羨財且將增額公力拒之曰某寧罪去不可增
也越人迄今德公七年復徙江東運副詔勿引嫌公
猶不自安踰年乞祠就徒江西路公曰可以興利除
害行吾志矣九年歲儉出錢十餘萬緡戍輸章吉臨

江南安四都五等憂稅折帛過飢民為盜之原又遷
吉州造船塲於臺治以省費革弊凡吉舊欠皆捐之
清江縣有破坑桐塘兩堰堤江四十里護田三十七
十頃民居陸地又三百頃堰壞四十年歲罹水患公
力復其舊又奏增臣遇伐積累欠數病州縣乞行蠲
削淳熙元年各詔可凡乾道七年八年諸路欠稅賦
丁役及他錢物併除之由公一言 上思及天下矣
歲滿再任進告不下宰執問其故上曰程大昌職事
修舉自合加職乃陞祕閣修撰二年四月召為祕書
少監九月兼權中書舍人六和塔僧以鎮潮為功求
內降給賜所置田產仍免科徭公奏二稅外和預買
折帛正額額外科借皆科也保正長身丁雜役皆徭
也僧寺既違法置田復移科徭於民柰何許之况自
紹興二十二年修塔之後潮果不齧岸乎御前置忠
銳忠武軍以浙西路鈐轄李師古兼統制帶御器械
歲世明兼訓練援例增請給公執不可其命俱寢俄
兼崇政殿說書三年四月除權刑部侍郎升侍講五
月兼國子祭酒公言辟以止辟未聞縱有罪為仁也
今四方讞獄例擬貸死臣謂有司當守法人主察其
可貸則貸之如此則法伸乎下仁歸乎上矣 上以

唐書卷一百一十五 卷一百一十五
為然舊法宰執初除轉廳皆有給賜減半其後太尉使相三少而上往往取旨視樞密使都官用例浸失法意公請自侍從而執政自執政而相則為初除法當全與餘為轉廳皆減其半遂為定制 上知公特二不避怨茲欲用之四年八月兼給事弔江陵統制官率逢原縱部曲歐百姓守帥平弃疾謂曲在軍人坐徒豫章公極論不可 上曰朕治軍民一體逢原已削兩官降本軍副將矣康與之在紹興時以談諧進後坐事長流廣南至是有與為地刊除舊犯還其資歷公封還勅黃 上喜曰待遷擢卿其益盡心毋

避忌十月落權字五年正月同知禮部貢舉 御製
原道辨尋易名三教論獨公與聞之六月進吏部右選侍郎兼同修國史舊小使臣注令尉若監鎮兼煙火者驗老病而已公以其親民面令讀律且詰其大指不通者輒罷遣八月兼權尚書六年夏正除權吏部尚書公遇事啟請知無不言如論軍中強壯子弟及西北伉健之人不可輕聽離軍禁衛不以膂力進今率三年輒補外官用違所長宜留寘三衛又欲酌紹興舊制命諸軍挽強轉資稍示勸誘又請究歸正偽冒裁減添差以寬州郡面奏堂白累萬餘言會舉

行中外更迭之制公力請郡是冬除敷文閣直學士
知泉州陞辭 上諭曰凡有見悉奉來自南渡後泉
為台信建昌邵武四郡代輸銀貳萬四千兩諸縣並
緣苛歛預借條便 民事具言本末有司持之未下
明年首為民代輸一年且乞禁絕後日預借又蠲前
歲秋苗之未輸者八年春汀賊沈師作過詔併勦其
徒公請罪止渠魁赦其脅從仍許徒中相糺可使亡
命解散不然數州據亂是堅其附賊也宰相然公言
奏行之是冬沈師獨與死黨竄伏漳州山谷間距城
百餘里州有左翼軍戍將蕭統領者卷甲赴之逮夜
力疲搏賊不勝死焉閩中大震漕檄左翼統制裴師
武出兵師武置司在泉謂師符未下不敢 擅興公
手書趣之曰事急矣有如帥責君可持吾書自解又
取前得釋脅從之旨散榜以間其黨師武至漳群情
頓安捕獲謀者十餘曹皆擯藏兵器謀刻日縱火為
賊內應微公先事從權趣師武行漳且屠矣太守劉
立義 郡人今左司郎中鄭公顛馳書謝公曰城邑
獲全公之賜也終更提舉江州太平興國宮十三年
秋起知建寧府十四年復提舉南京鴻慶宮自公為
郎首侍 壽康於王邸多所完葺其後間謁東宮必

疑語移時嘗用家人禮許見 今上及公主親取寶
器酌酒飲公受禫之初與宮僚一等推恩紹熙元年
加寶文閣直學士旋知明州示將復用遽以祠歸四
年起進龍圖閣直學士明年請老進本閣學士致仕
皆非常典也慶元改元十一月甲申以疾不起享年
七十三積官先奉大夫爵新安郡開國公食邑二千
一百戶食實封一百戶贈特進公自宦遊去鄉里樂
吳興溪山文勝而卜居焉晚得安吉縣梅谿鄉邱閣
山規營壘域未成而卒淑人陳氏公母之從兄女生
百日值方臘亂父母携匿谷中祝曰兒若貴勿啼自
是悄然既長歸公事舅姑以孝聞生諸子躬自鞠育
公嗜書未嘗省家事賓祭孔時淑人力也年七十六
遭公喪謂諸子曰吾得從而父足矣病不服藥後公
四十七日安然而遊遂合葬焉二年四月辛酉也四
男準朝散郎新通判太平州本早世阜朝奉郎知上
元縣覃宣教郎新浙西茶盤司幹辦公事三女適承
直郎監行在文恩院都門鄭汝止次適奉議郎新知
湖州武康縣丁大聲季咨亡孫三人端復登仕郎端
節的端履以遺澤補官女三人公有文集若干卷別
著禹貢論五十二篇辨江河淮濟漢弱水黑水甚詳

凡諸儒捨經泥傳注失禹本指者一皆正之又為山川地里圖端明殿學士汪公應辰博洽重許可讀之大歎服謂不可及公在講筵遂以進御 天語嘉獎今行於世別有演蕃露六卷攷古編易老通言易原雜錄四書各十卷北邊備對六卷書譜二十卷取五十八篇互相發明篇為一論扶隱正譌尤有功於學者嗚呼若公可謂博學篤志者矣銘曰

浩浩千古 孰知其津 擾擾萬生 孰致其身

偉歟程公 絕類離倫 氣以直養 業以勤精

士之指南 國之寶臣 其在兩禁 昌言復君

使于四方 仁心庇民 胡不弼諧 迄其經綸

歸而著書 極道之真 既沒言立 庶幾不泯

自歛而湖 肇自于今 有式新阡 尚考斯銘

周益公文集 平園續藁卷第二十二

厚
五
分
寸
有
三
厘
餘
厚
三
寸
一
寸
餘
厚
三
寸
餘
厚
三
寸
餘

